

臨武縣志卷之十五

學校志

天子曰璧雍諸侯曰類宮鄉國雖殊敷教明倫之意則一古之王天下者田里樹畜後即繼以謹庠序申孝弟凡所以造就甄陶矢文德而洽四國也臨僻楚南夙嫺文學元明以來學舍疊經灰燼我朝養士作人

恩波潭沛建設學宮董之師儒頌以載籍勸厥臥碑所為薰蒸而陶淑者至周且渥士生其間宜如何奮

臨武縣志

卷之十五

學校一

興鼓舞以副

菁莪棫樸之盛而擁皋比而握夏楚者又宜如何矢勤矢慎以無貽尸位素餐之譏乎志學校

譚家玉

學宮

宋初儒學在縣治東南乾道元年遷建縣治東北元延祐丙辰年縣尹皮元重建後俱燬於兵

明洪武二年詔建學三年知縣賈元凱創建正統間訓導鄭侃奏改徙事下知縣秦庸改建宏治十六年教諭唐顯祖奏徙復舊址事下知縣林珍復



建其後萬歷天啟間知縣金元楊學孔疊經修建
至崇禎末俱遭兵燬

國初惟明倫堂僅存康熙四年衡州守劉進禮按部
至邑始倡修舉諭知縣李振麟重建二十二年知
縣張聲遠重修規制始備其後知縣徐之都蔣元
楷趙侗敷張世芳屢加修葺乾隆三十一年知縣
胡奠域始遷明倫堂於學署側建崇聖祠於文廟
後嘉慶十七年知縣柯光蔚倡衆大修規模宏敞

學田

明邑侯費懋文捐廉買置給事
中邑人劉堯誨有碑記載藝文

學校二

歸武縣志

卷之十五

一平田鄉灘頭洞

即黃門口

田六畝五分下則糧三斗

一升二合計二坵每年該租一千斤

一文化鄉走馬營田五畝二分八釐下則糧二斗

五升計二十四坵每年該租六百零八斤

一文化鄉龍水田

三畝二分下則糧一斗
五升四坵每年該租六

百斤

一平田鄉彭家洞田五畝二分下則糧二斗五升

二合計十四坵

又截分三坵
共十七坵每

年該租九百斤

一文化鄉乾竹山田八畝三分三釐下則糧四斗

計

坵每年該租一千斤

一平田鄉黎合洞田一畝一分下則糧四升五合
計一坵每年該租一百五十斤

一文化鄉水南灣田一畝八釐下則糧五升二合
計二坵每年該租穀一百七十五斤

一文化鄉古車洞田九畝下則糧三斗六升計四
坵每年該租一千三百五十斤

一文化鄉白膳田六畝下則糧二斗四升計田
坵每年該租九百斤

一文化鄉園山洞田四畝下則糧一斗五升九合

臨武縣志

卷之十五

學校又二

計 坵每年該租六百七十五斤

一文化鄉田頭田六畝下則糧二斗四升七合計
田 坵每年該租六百六十斤

一文化鄉九江頭田三畝下則糧八升二合計
坵每年該租二百一十斤

一金三鄉鼎下田十畝下則糧三斗二升六合計
田 坵每年該租一千二百斤

一文化鄉乾庄田三畝下則糧九升七合計 坵
每年該租米一百五十升

學宮碑匾

順治九年禮部題奉

欽定條約八款頒刻學宮謂之臥碑

朝廷建立學校選取生員免其丁糧厚以廩膳設學
院學道學官以教之各衙門官以禮相待全要養
成賢才以供 朝廷之用諸生皆當上報
國恩下立人品所有教條開列於後

一生員之家父母賢知者子當受教父母愚魯或
有非爲者子既讀書明理當再三懇告使父母不

臨武縣志

卷之十五

學校三

陷於危亡

一生員立志當學爲忠臣清官書記所載忠清事
蹟務須互相講究凡利國愛民之事更宜留心

一生員居心忠厚正直讀書方有實用出仕必作
良吏若心術邪刻讀書必無成就爲官必取禍患
行害人之事往往自殺其身常當思省

一生員不可干求官長交結勢要希圖進身若果
心善德全上天知之必加以福

一生員當愛身忍性凡有司衙門不可輕入卽有

切己之事止許家人代告不許干入他人詞訟他人亦不許牽連生員作証

一為學當敬先生若講說皆須誠心聽受如有未明從容再問毋妄行辨難為師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治

臨武縣志

卷之十五

學校四

罪

康熙二十三年欽奉

御書萬世師表匾額

雍正三年欽奉

御書生民未有匾額

乾隆三年欽奉

御書與天地參匾額

嘉慶五年欽奉

御書聖集大成匾額俱懸殿中

道光年欽奉

御書聖協時中匾額

咸豐年欽奉

御書德齊懋載匾額

同治年欽奉

御書聖神天縱匾額

臨武縣志

卷之十五 學校五

御製平定朔漢告成太學碑

康熙四十三年

維

天盡所覆海內外日月所出入之區悉以畀予一人自
踐祚迄今蚤夜殫思休養生息冀增熙皞以克副
維皇大德好生之意庶幾疆域無事得以偃兵息
民廼厄崑特噶爾且險阻北陲因此一方人旣荼
毒塞外輒狡焉肆其凶逆犯我邊鄙虐我臣服人
用弗寧夫蕩寇所以息民攘外所以安內邊寇不
除則吾民不安此神人所共憤天討所必加豈憚

臨武縣志

卷之五

學校六

一人之勞弗貽天下之逸於是斷自朕心躬臨朔
漠欲使悔而革心故每許以不殺彼怙終不悛我
師三出絕塞朕皆親御以臨行深入不毛屢涉寒
暑勞苦艱難與偏裨士卒共之迨彼狂授首脇從
歸誠荒外君長來享闕下西北萬里灌燧銷鋒中
外又謐惟朕不得已用兵以安民旣告厥成事乃
蠲釋青災潔事禋望爲億兆祈昇平之福而廷臣
請紀功太學垂示來茲朕勞心於邦本常欲以文
德化成天下顧茲武略廷臣僉謂所以建威銷萌

宣昭斯績於有永也朕不復辭考之禮王制有曰天子將出征受成於學出征執有罪反釋奠於學以訊馘告而泮宮之詩亦曰矯矯虎臣在泮獻馘又禮王師大獻則奏凱樂大司樂掌其事則是古者文事武事爲一折衝之用具在樽俎之間故受成獻馘一歸於學此文武之盛制也朕嚮意於三代故斯舉也出則告於神祇歸而遣祀闕里茲允廷臣之請猶禮先師以告克之遺意而於六經之旨爲相符合也爰取思樂泮水之義爲詩以銘之

臨武縣志

卷之十五

學校六

以見取亂侮亡之師在朕有不得已而用之之實或者不兵於古帝王伐罪安民之意云爾銘曰巍巍先聖萬聖之師敬信愛人治平所基煌煌聖言文武道一禮樂征伐自天子出朕臨域中逾茲三紀嘗見羹牆寤寐永矢下念民瘼上承

帝謂四海無外盡隸侯尉維彼凶醜瀆亂典常旣梗聲教遂窺我疆譬之於農患在螟螣秉畀不施將害稼穡度彼游魂險遠是怙震以德威可往而取朕志先定龜筮其依屬車萬乘建以龍旂祝融驂鸞

風伯戒途宜雨宜賜利我樵蘇大野水涸川瀆効
靈泉忽自湧其甘如醴設爲犄角一出其西一出
其東中自將之絕於無人獸羣受掩五日窮追彼
狂走險大殲於路波血其孥剪其黨孽俘彼卒徒
衆烏晝號單馬宵遁恐久駐師重爲民困慎固戍
守還轅於今自夏徂冬雨雪其零載馳載驅我行
至再蠢茲窮寇昏惑不悔我邊我氓以休以助爰
寧其居爰復其賦藩落老稚斯恬斯嬉歲宴來歸
春與之期春風飄揚我旆旃我今於邁如涉我

臨武縣志

卷之十五

學校七

郊言秣我馬狼居胥山登高以眺閔彼彈丸

天降凶罰孤雛就羈三駕三捷封狼輿尸旣腊梟獍旣
獮豺豕大漠西北解甲棄及振旅凱入澤浦郊圻
明禋肆赦用迓景福昔我往矣在泮飲酒陳師鞠
旅誓屈窮醜今我來思在泮獻功有赫頌聲文軌
來同采芹采藻頌聲東魯車攻馬同亦鐫石鼓師
在安民非出得已古人有作昭示此旨緬維虞廷
誕敷文德聖如先師戰勝必克惟兵宜戢惟德乃
綏億萬斯年視此銘詞

御製平定青海告成太學碑

雍正三年頌

我國家受

天眷命撫臨八極日月所照罔不臣順遐邇又安兆人
衆福乃有羅卜藏丹津者其先世固始汗自國初
稽首歸命當時使臣建議畀以駢牧之地其居雜
番羗密近甘涼我

皇考聖祖仁皇帝睿慮深遠每厯於懷旣
親御六師平定朔漠威靈所加青海部落札什巴圖兒
等震讐承命

臨武縣志

卷之五

學校八

聖祖仁皇帝因沛殊恩封爲親王兄弟八人咸賜爵祿
羈縻包容示以寬大而狼心梟性不可以德義化
三十年來包藏異志朕紹登寶位優之錫賚榮其
封號尙冀革心輯寧部衆而羅卜藏丹津昏謬狂
悖同黨吹拉克諾木齊阿爾布坦溫布藏巴札布
等實爲元惡謂國家方宏浩蕩之恩不設嚴密之
備誕敢首造逆謀迫脇番羗侵犯邊城反狀彰露
用不可釋於天誅遂命川陝總督太保公年羹堯
爲撫遠大將軍聲罪致討以雍正元年師始出塞

自冬涉春屢破其衆凡同叛之部落戈鋌所指應
時摧敗招降數十萬衆又降貝勒貝子公台吉等
二十餘人朕猶憫其蠢愚若悔禍思愆束手來歸
尙可全省而怙惡不悛負險抗違乃決剪滅之計
以方畧密付大將軍年羹堯調度軍謀簡稽將士
用四川提督岳鍾琪爲奮威將軍於仲春初旬禡
牙徂征分道深入搗其窟穴電掃風驅搜剔嚴阻
賊徒蒼黃糜潰窮蹙失據羅卜藏丹津之母及逆
謀渠魁悉就俘執擒獲賊衆累萬牲蓄軍械不可

臨武縣志

卷之五

學校九

數計賊首逃遁我師踰險窮追獲其輜重人口殆
盡羅卜藏丹津孑身易服竄匿荒山殘喘待斃自
二月八日至二十有二日僅旬有五日軍士無火
役之勞內地無轉輸之費克奏膚功永清西徼三
月之朔奏凱旋旌鑼鼓喧轟士衆訢喜四月十有
二日以倡逆之吹拉克諾木齊獻俘廟社受俘之
日臣民稱慶伏念

聖祖仁皇帝威靈震於遐方福慶流於奕葉用克張皇
六師殄滅狂賊行閒將士亦由感激

湛恩厚澤爲朕踴躍用命斯役也芟夷凶悖綏靖番羌
俾烽燧永息中外人民悉享安阜實承

先志以懋有不績廷臣上言稽古典禮出征而受成於
學所以定兵謀也獻馘而釋奠於學所以告凱捷
也宜刊諸珉石揭諸太學昭示於無極遂爲之銘

曰

天有雷霆聖作弧矢輔仁而行威遠寧邇維此青海種
類實繁錫之茅土列在藩垣被我寵光位崇祿富
負其阻遐禍心潛構恭惟

臨武縣志

卷之五

學校十

聖祖慮遠智周瞻念荒服綏撫懷柔朔野旣清西陲攸
震爵號游加示之恩信如何凶狡造謀逆天鼓動
昏愍寇侵於邊維彼有罪自甘天罰桓桓虎貔爰
張九伐王師卽路冬雪初零日耀組練雷響鼙鉦
蠢茲不順敢逆戎旅奮張螳臂以當齊斧止如山
嶽疾如雨風我戰則克賊壘其空彼昏終迷曾不
悔戾當剪而滅斯焉決計厲兵簡將往搗其巢踰
越嶽嶠坦若坳郊賊棄其家我繫而獲牛馬穀糧
器械山積蹇兔失窟何所逋逃枯魚遊釜假息煎

熬師以順動神明所福旬日凱歸不疾而速殪彼
逆謀懸首藁街獻俘成禮金鼓調諧西域所瞻此
爲雄特天討旣申羣酋惕息櫜戈偃革告成辟靡
聲教遐暨萬國來同惟我

聖祖親平大漠魏功煥文邁桓軼酌流光攸火視此銘
詞繼志述事念茲在茲

御製平定金川告成太學碑

乾隆二十一年頌

天畀我皇清握乾符俯坤軸函括萬邦悉主悉臣

五后纘承創守佑啟亦惟是二三蓋臣布德宣力予曰

臨武縣志

卷之五

學校十一

有先後予曰有禦侮用造我不丕丕基罔有蘖芽罔
不煦嫗長養游於大當粵有金川茲羅奔者居西
蜀桃關以外界綽斯甲小金川之間向曾從征得
受符檄與諸土司齒顧恃其險近夜卽白大搆釁
鄰番各土司申訴封疆吏吏曰蔓之不圖豈其視
爲甌脫乃請兵籌餉期掃其穴而司其事者或怯
縮以老師或獯狻以畜志軍無適從是用弗集予
心憫然念遠徼之不寧或致增防置戍重勞吾民
大學士忠勇公傅恒義同休戚毅然請肩斯任乃

命以經略印益厚集諸路軍芻粟相繼閭閻不驚
卜吉於戊辰十一月之三日

馮牙以指所征朕親御武帳賜經略酒以行人氣
和昶陽氣宜復都人士聽睹聳躍罔不忻喜謂露
布之且暮至也乃歷燕晉驅秦隴越劍關絕川江
陵桃開之巖經天射之蛟又日討軍實而教訓拊
循之均其渴飲饑食同其曉行夜眠至於密贊機
務親草奏章則又經略獨勤其勞而諸武臣有所
不知有弗能共者恩威旣明士用益勵度番落如

臨武縣志

卷之十五

學校十二

戶庭過部伍於衽席奸曾授首軍聲大振復以巨
礮擊其礮堅礮以摧將俟諸軍之集搗其中堅而
番首駭瞿駭喙稽首請降經略臣以彼罪重惡極
窮而乞生火或渝且偕焉慮不允所請朕惟

天地之德在好生彼蟻潰而鼠駭者毋寧釋而宥之且
求降而盡殲之不可謂武矧不足以污我斧也於
是經略宣朕明旨登壇受降己巳二月之望日金
川平定捷音至京是役也深入數千里秦凱未七
旬而振旅之師多有返自中途未究其用者昔之

成功巴蜀如建武之定公孫江陵之降李勣皆在
板圖之內無足比數廷臣舉

皇祖朔漠

皇考清海成例請勒碑成均以示來許夫秉丹誠而運
籌決勝永靖荒徼者經略大學士之力也商可否
於幃幄衝石矢於行陣者參贊大臣及諸將士力
也朕何有焉惟是體

乾元之德凜佳兵之戒保大定功安民和衆庶幾可以
垂則乎乃系之詞曰

臨武縣志

卷之五

學校十三

維

天生人類聚羣分凡茲林林孰非我民有羈而縻有誨
而諄豈伊異視遠近殊倫守在四彝稽古名言無
已用之寓義於仁蠢彼金夷恃其險阻蠶食稀張
謂莫我拒不靖不庭侵茲隣聚駭奔叫呶以干大
咎匪棘匪紆玃狁之故我張我伐玃狁之故我師
旣集賊亦相持匪敢相持懼誅自支兩易寒暑救
功稍稍賊益以狂怒臂當車罪臣旣誅以徇我師
朕咨於恒汝往視之朕咨於恒惟汝同德惟我庶

士亦火於役將茲旗兵羽林神策其勇熊羆其心
金石何敵不摧何攻不克濟以汝忠奏捷頃刻恒
拜稽首臣弗敢獲旣禡旣宜師出於京師出於京
時惟一陽未逾五旬乃壓其疆前旌獵獵有節煌
煌羣番迎駕謂自天降維彼攸特日良爾吉以偵
以謀如鬼如蜮其恃爰誅其類股慄紀律是明戎
兵是詰鑄礮攻礮其守以失惟其懼誅潛弗敢出
其潛弗出乃旦夕延將齊我軍披其中堅大鞬大
膊期日之前彼乃窮蹙乞降悚虔惟命是從六事

臨武縣志

卷之十五

學校十四

永遵除道築壇肉袒羊牽赴赴鍾琪乃裴之李聿
底賊巢開誠以諭攜其二酋軍門親赴悔罪歸誠
車塵馬足順斯撫之昭我王度昔也雷霆今也雨
露七縱諸葛單騎汾陽曰我相臣於前有光晉爵
錫彤黼黻龍章速歸黃閣左右贊襄休養生息惠
鮮蜀邦我武旣揚無疆惟慶

乾隆十四年歲在己巳夏四月吉日經筵講官太

子少師協辦大學士吏部尙書臣梁詩正奉

勅敬書

御製平定準噶爾告成太學碑文

乾隆二十六年頒

遼矣山戎薰粥旃裘毳幕之人界以龍沙畜其驥
奚雖無恒業厥有分部蓋自元黃剗剗萬物芸生
東夷西夷各依其地謬舉淳維未爲理據皇古莫
紀其見之書史者自周宣太燠之伐秦政胡海之
築莫不畏其侵軼猾夏是燠自時厥後一二奮發
之君慨然思挫其鋒而納之宥然事不申機材不
副用加以地遠無定處故嘗勞衆費財十損一得
搢紳之儒守和親介冑之士言征伐征伐則民力
竭和親則國威喪於是守在西夷羈縻不絕地
不可耕民不可臣之言興矣然此以論漢唐宋明
之中夏而非謂皇清之中夏也皇清荷

天之龍興東海撫華區有元之裔以屬版章歲朝貢從
征狩執役惟謹準噶爾厄魯特者本有元之臣僕
叛出據西海終明世爲邊患至噶爾丹而稍強吞
噬鄰番闌入北塞我

皇祖三臨朔漠用大破其師元惡伏冥誅脅從遠遯跡
毋俾遺種於我喀爾喀厥姪策妄阿拉布坦収其

臨武縣志

卷之五

學校十五

遺孽僅保伊犁故嘗索取地無敢不共逮夫部落滋聚乃以計襲喀密入西藏準夷之勢於是而復張

兩朝命將問罪雖屢獲捷而庚戌之役逆子噶爾丹榮楞能用其父舊人乘我師怠掠畜於巴里坤擣營於和卜多於是而準夷之勢大張然地旣險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武旣揚不可以旣允其請和以息我衆予小
臨武縣志
卷之五
學校十六
子敬奉

先志無越思焉旣而噶爾丹策楞死子榮妄多爾濟那木札爾暴殘喇嘛達爾濟篡奪之達瓦齊又篡奪喇嘛達爾濟而酗酒虐下尤甚焉癸酉冬都爾伯特台吉榮楞等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪魁安我新附凡運

餉籌馱長行利戰之事悉備議之始熟經於庚戌之艱者咸懼蹈轍惟大學士忠勇公傅恒見與朕同新附諸台吉則求之甚力朕謂犁庭掃穴卽不敢必然喀爾喀之地必不可以人居若而人毋寧用其鋒而觀厥成卽不如志亦非所悔也故凡禡旗命將之典概未舉行亦云偏將嘗試爲之耳塞上用兵必以秋而阿睦爾撒納瑪木特請以春月欲乘彼馬未肥則不能遯朕謂其言良當遂從之北路以二月丙辰西路以二月己巳各啟行喀密

臨武縣志

卷之五

學校十七

瀚海向無雨今春乃大雨咸以爲時雨之師入賊境凡所過之鄂拓克攜羊酒糗糒迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必衆彼衆皆我衆多傷非所以體上慈也丁亥遣阿玉錫等二十五人夜斫營覘賊向賊兵大潰相蹂躪死者不可勝數來降者七千餘我二十五人無一人受傷者達瓦齊以百餘騎竄六月庚戌徊人阿奇穆霍集斯伯克執達瓦齊來獻軍門準噶爾平是役也

定議不過二人籌事不過一年兵行不過五月無
亡矢遺鏃之費大勲以集遐壤以定豈人力哉

天也然

天垂佑而授之事機設不奉行之以致坐失者多矣可
與樂成不可與謀始亦謂蚩蚩之衆云爾豈其卿
大夫之謂旣克集事則又曰苟知其易將勸爲之
夫明於事後者必將昧於機先朕用是寒心且準
噶爾一小部落耳一二有能爲之長而其樹也固
焉一二暴失德之長而其亡也忽焉朕用是知懼

臨武縣志

卷之五

學校十八

武功而勒碑文廟例也禮臣以爲請故據實事書
之其辭曰

茫茫伊犁大幹之西匪今伊昔化外羈縻條支之
東大宛以南隨畜獵獸蟻聚狼貪乃世其惡乃恃
其遠或激我攻而驟緩其計在斯其長可窮止戈
靖邊化日薰風不侵不距不來其那款關求市亦
不禁訶始慕希珍終居奇貨吏喜無事遷就斯懦
漸不可長我豈懼其豈如宋明和市之爲旣知其
然飭我邊吏弗縱弗嚴示之節制不仁之守再世

斯斬篡奪相仍飄忽荏苒夙沙革面煎鞏披忱集
泮飛鴉食黠懷音錫之爵位榮以華裾膝前面請
願効前驅兵分兩路雪甲霜鋒先導中堅如鼉錯
攻益以後勁蒙古舊屬八旗子弟其心允篤二月
卜吉牙旗飄飄我騎斯騰無待折膠泉涌於磧蕪
茁於路我衆歡躍謂有

天助匪啻我衆新附亦云黃髮未覩水草富春烏魯木
齊波羅塔拉台吉宰桑紛紛款納牽其肥羊及馬
潼酒獻其屠者合掌雙手予有前諭所禁侵陵以

臨武縣志

卷之五

學校十九

茶交易大愉衆情衆情旣愉來者日繼蠢達瓦齊
擁兵自衛依山據淖惟旦夕延有近萬人其心十
千勇不目逃於二十五日阿玉錫率往賊所銜枚
夜襲直入其郭揮矛拍馬大聲疾呼彼人旣離我
志斯合突將無前縱橫鞞鞞案角鹿垂隴種東籠
自相狼籍孰敢櫻鋒狐篡鼠逃將往異域徇部遮
之凶渠斯得露布旣至告

廟受俘凡此蕝功荷

天之衢在古周宣二年乙亥淮夷是平常武詩載越我

皇祖征噶爾丹命將禡旗亦乙亥年既符歲德允協師
貞兵不血刃漠無王庭昔時準夷弗恭弗諫今隨
師行爲師候尉昔時準夷日戰夜征今也偃卧知
樂人生曰匪準夷曰我臣僕自今伊始安爾游牧
爾牧爾耕爾長子孫曰無向非豈有今是
兩朝志竟億載基成側席不遑保泰持盈

乾隆二十年歲次乙亥夏五月之吉御筆

聖諭十六條

康熙九年頒刊列明倫堂

敦孝弟以重人倫 篤宗族以昭雍睦

臨武縣志

卷之十五

學校二十

和鄉黨以息爭訟 重農桑以足衣食

尚節儉以惜財用 隆學校以端士習

黜異端以崇正學 講法律以儆愚頑

明禮讓以厚風俗 務本業以定民志

訓子弟以禁非爲 息誣告以全良善

戒窩逃以免株連 完錢糧以省催科

聯保甲以弭盜賊 解讎忿以保身命

御制訓飭士子文 康熙四十一年建碑明倫堂

國家建立學校原以興行教化作育人才典至渥也

朕蹄馭以來隆重師儒加意庠序近復慎簡學使
釐剔弊端務期風教修明賢才蔚起庶幾棧樸作
人之意乃比來上習未端備效罕著雖因內外臣
工奉行未能盡善亦由爾諸生積錮已久猝難改
易之故也茲特親製訓言再加警飭爾諸生其敬
聽之從來學者先立品行次及文學學術事功源
委有叙爾諸生勿聞庭訓長列宮牆朝夕誦讀寧
無講究必也躬修實踐砥礪廉隅敦孝行以事親
秉忠貞以立志窮經考義無雜荒誕之談取友親

臨武縣志

卷之十五

學校二

師悉化驕盈之氣文章歸於醇雅無事浮華軌度
式於規繩最防蕩軼子矜佻達自昔所譏苟行止
有虧雖讀書何益若夫宅心弗淑行已多愆或蜚
語流言脅制官長或隱糧包訟出入公門或唆撥
奸猾欺孤陵寡或交呼朋類結社要盟乃如之人
名教不容鄉黨切齒縱倖脫褫扑濫竊章縫返之
於衷能無愧乎况乎鄉會科名乃掄才大典關係
尤鉅士子果有實學何患困不逢年顧乃標榜虛
名暗通聲氣夤緣詭遇罔顧身家又或改竄鄉貫

希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異日敗檢踰閑何所不至又安望其秉公持正爲國家宜猷樹績膺後先疏附之選哉朕用嘉惠爾等故不禁反復惓惓茲訓言頒到爾等務期用體朕心恪遵明訓一切痛加改省爭自濯磨積行勤學以圖上進國家三十年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿儆

臨武縣志

卷之十五

學校二二

毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也願多士尙敬聽之哉

乾隆四年奉

上諭士爲四民之首而大學者教化所先於是觀型焉此者聚生徒而教育之董以師儒舉古人之成法

規條亦既詳備矣獨是科名聲利之習深入人心
積重難返士之所以汲汲皇皇者惟是之求而未
嘗有志於聖賢之道不知國家以經義取士由聖
賢之言體聖賢之心正欲使之爲聖賢之徒而豈
沾沾爲文藝之末哉朱子同安縣諭學者云學以
爲己今之世父所以詔其子兄所以勉其弟師所
以教其弟子弟子之所以學舍科舉之業則無爲
也使古人之學止於如此則凡可以得志於科舉
斯已耳所以汲汲焉愛日不倦以至於死而後已

臨武縣志

卷之十五

學校二二三

者果何爲而然哉今之士于不知此以爲苟足以
應有司之求矣則無事乎汲汲爲也是以至於惰
遊而不知返終身不能有志於學而君子以爲非
士之罪也使教素明於上而學素講於下則士者
固將有以用其力而豈有不勉之患哉諸君果能
致思於科舉之外而知古人之所以爲學則將有
欲罷不能者矣觀朱子此言洵古今通患夫爲己
二字乃入聖之門知爲己則所讀之書一一有益
於身心而日用事物之間存養省察闡然自修世

然之紛華靡麗無足動念何患文章聲譽之能奪
志哉况爲科舉亦無礙於聖賢之學朱子云非是
科舉累人人累科舉若見高識遠之士讀聖賢之
書據吾所見爲文以應之得失置之度外雖日日
應科亦不累也居今之世雖孔子復生也不免應
科舉然豈能累孔子耶此言卽是科舉中爲己之
學誠能如此則四書五經皆聖賢之精蘊體而行
之爲聖賢而有餘不能爲己則雖經義治事而督
責亦糟粕陳言無裨實用浮僞與時文等耳故學

臨武縣志

卷之十五

學校二四

者莫先於辨志志於爲己者聖賢之徒也志於科
名者世俗之陋也國家養育人材將用以致君澤
民治國平天下而囿於積習不能奮然求志於聖
賢豈不謬哉朕膺君師之任有厚望於諸生適讀
朱子書見其言切中士習流弊故親切爲諸生言
之俾司教者知所以教爲國者知所以學欽此

書籍

聖諭廣訓一部計二本

學政全書一部計二本

上諭一部計一本

御纂十三經一部共一百一十二本

二十一史一部共四百九十八本

明史一部計一百一十二本

上諭一部計十本

周易折中二部共二十本

書經傳說彙纂二部共四十八本

詩經傳說彙纂二部共四十八本

春秋傳說彙纂二部共四十八本

孝經近思錄二部共六本

大學衍義二部共二十本

臨武縣志

卷之十五

學校二五

性理精義二部共十本

日講四書二部共二十四本

朱子全書二部共八十本

古文淵鑑正集一部計四十本

欽定四書文二部共四十四本

御纂資治通鑑綱目三編一部計四本

結式一部計三本

學政全書一部計八本

續學正全書一部計四本

御製樂善堂文集一部計一十八本

御選唐宋詩醇一部計二十本

御纂周易述義一部計四本

御纂詩義折中一部計八本

御纂春秋直解一部計八本

欽定清漢對音一部計二套

大清律例二部共六十四本

省例駁案二書共一百零二本

大清纂修條例一部計十本

欽定吏部處分則例二部共四十六本

學政全書二部共一十六本

臨武縣志

卷之十五

學校二十二

佩文詩韻二部共六本

祀典則例一部計二本

欽定磨勘則例一本

欽定禮部則例一部計十本

學政全書一部計十本

學額

漢郡國有文學武帝時始詔天下郡國立學校官

置弟子員平帝元始三年詔郡國曰學縣道邑侯

國曰校校學各置經師一人鄉曰庠聚曰序序庠

各置孝經師一人

唐六典魏晉以下郡縣並有文學郎博士助教之任唐開元以後京都學生八十人大都督中都督府上州各六十人下都督府中州各五十人下州四十人京縣五十人上縣四十人中縣中下縣各三十五人下縣二十人

宋慶歷四年詔諸路州軍監各令立學自是州郡無不有學始置教授以經術行義訓導諸生掌其課試之事而糾正不如規者至熙寧六年始詔諸路學官兼委中書門下選差縣置博學助教各一

臨武縣志

卷之十五

學校二十七

人謂之主學官則由漕司聘署弟子無定員縣不置學官縣令佐咸得領之景定三年始置主學一員咸淳元年轉運提學行下選請學正學錄首學各一員學諭四員長諭八員小學教諭一員元設教諭訓導各一員

明設教諭訓導各一員國朝以有文行聲望者始得充補每歲或召見膺不次擢其後以乙榜舉人及歲貢七擢之嘉靖三十六年裁革訓導一員洪武十五年令

在京府縣生員六十人在外府學四十人州學三十人縣學二十人日給廩膳乃免差徭下丁宣德

中增廣員數踴額而不給廩膳謂之增廣生正統十二年於廩膳增廣之外復選俊秀附學肄業謂之附學生

國朝初府設教授一員訓導二員州設學正訓導各一員縣設教諭訓導各一員康熙三年部議裁留每府留教授一員州留學正一員大縣留教諭一員中縣小縣各留訓導一員其餘裁去康熙四十三年臨武復設教諭

順治初生員無定額大縣或取至百人順治四年

臨武縣志

卷之十五

學校二十八

定直隸各省儒學視人文多寡分大中小學取進童生大學四十名中學三十名小學二十名又定直省各學廩膳生員府學四十名州學三十名縣學二十名衛學十名增廣生員名數同

順治十五年題准直省取進童生大府二十名大州縣十五名小縣或四名或五名

康熙九年題准各直省取進童生大府州縣仍舊中學十二名小學八名或七名

臨武照中學例額進文童十二名廩生二十名增

生二十名二年一貢歲考額進武童十二名

雍正十三年議准湖南衡州府學原額二十名內

減去三名撥歸桂陽州及所屬憑文取進武童亦

炤數撥歸三名

申明亭 在縣譙門東址存

書院 田畝附

雙溪書院

在邑城東門外里許武水貝水二溪合流之處故名乾隆十五年知縣賈琰十

九年知縣陳琬昭先後創建

束修田

臨武縣志

卷之十五

學校二九

一南庄洞田伍畝壹坵灌草門口田伍畝式坵 係知

縣張世芳捐置共糧叁斗壹升壹合陸勺每年納租壹千柒百觔

一烏溪洞田式拾式畝玖分玖厘

係知縣胡莫域詳請開墾烏溪

洞洲坪經知縣劉世澤勘丈議詳中田低田玖畝叁分伍厘高田太低田壹拾三畝陸分肆厘共式拾式畝玖分玖厘每年納租式拾玖石捌斗捌升

一木天塔脚田式畝壹坵

糧升合每

一塘背嶺石橋頭田式畝壹坵

糧升合每

一石帶坑麻絲田式畝

坵年納租式百觔

一員盤嶺村門口田陸畝壹坵 內間墜田壹坵係知縣

麥連捐置糧式斗肆升壹
合每年納租壹千貳百觔

膏火田

一烏溪洞劉家門口田叁畝壹坵糧壹斗零捌合每年納租陸石

一大李家對門田壹畝壹畝糧貳升每年納租貳百觔

一驟溪洞田肆畝壹坵糧壹斗叁升陸合每年納租捌百觔

一烏溪洞李姓村右側田叁畝貳分坵糧壹斗叁升每

年納租
陸百觔

一譚家嶺脚田叁畝伍坵糧壹斗貳升肆合每年納租肆百貳拾觔以上

五處俱知縣李方毅捐置共田壹拾肆畝
貳分共糧伍斗壹升捌合附縣尾李書膏

臨武縣志

卷之十五

學校三十

一石帶坑鴉鵲田肆畝玖坵糧壹斗貳升每年納租陸百觔係知縣黎

夢臯捐置附
縣尾黎書膏

一烏溪洞冬田屋後田壹畝貳坵又穢塘貳畝伍

坵共糧壹斗叁升捌合貳分每年納租陸百
觔係知縣周士龍捐置附縣尾周書膏

義學

在邑治東城隍廟後左側坐南向北康熙間
知縣李振麟奉偏沅巡撫周建雍正五年知

縣趙嗣敷重修嗣因從學者衆雍正八年知縣張
世芳增廣學舍農員陳文珠捐地基一畝置造正

橫屋九間合原義學六間共一十五間張侯又增
置膏火田十畝後因學舍頽廢乾隆間將田盡入

雙溪書院義
學基址存

賓興 附

生員就鄉試者舊例邑宰於六月朔擇吉開宴鼓
樂導送祖餞邑宰親送至城外文昌祠其科舉額
數除分設嘉禾縣外以一十二名為率共支正項
銀陸拾壹兩捌錢肆分捌厘於起送之日每名給
盤費銀肆兩壹錢零花紅銀玖錢酒席銀壹錢共
銀伍兩壹錢零其捷者官為樹旗送匾禮其廬
舉人會試每名給長夫銀貳拾肆兩其祖餞報捷

臨武縣志

卷之十五

學校三十一

照鄉試加隆

廩生考貢例用正陪二人各給腳力銀肆兩正貢

盤纏銀壹拾伍兩花紅旗匾酒席銀壹拾貳兩

其呈

計作與舊例槩於備用內支給又新例縣學十年
通選每生給銀壹兩亦於支剩銀內動給不必另

派既貢官禮之如鄉試報捷禮

科舉店

明邑侯金公元念邑諸生應省試水陸遙
遠捐俸於南門外濱河官地置舖店拾叁

間半租積三年一收合計每間銀壹兩少助資斧
官稅免事定載南門甕城內去思碑按科舉店舊

志載驛舖
下今附此

鄉會田 附

烏溪洞李姓門口田捌畝式坵糧斗升每

知縣李方
穀捐置

一烏溪洞洞頭側張家塘田肆畝壹坵糧斗升每科批

價不等係知縣
李方穀捐置

一東門外田伍畝肆坵救山口塘壹口糧斗升每科批價不

等係知縣楊方
嶽捐置